

angulare, nigrum, nitidum, sub-læve, supra modice convexum; rostro inflexo, luteo, apice infuscato; oculis rotundatis, convexis, nigris. Antennæ corpore dimidio longiores, nigrae, pubescentes, articulo primo brevi, extrorsum nonnihil incrassato, secundo præcedente triplo longiore, tertio et quarto fusco-testaceis, tenuioribus, simul sumtis antecedente paullo brevioribus, illo hoc dimidio brevior. Prothorax latitudine postica dimidio brevior, antice truncatus, capite parum angustior, lateribus basin versus ampliatis; postice parum rotundato-emarginatus, angulis sub-obtusis, supra modice convexo-declivis, luteus, sub-nitidus, subtiliter, crebre punctulatus, pube albida sat dense adpersus, ante medium transversim anguste at distincte impressus. Scutellum sat magnum, triangulare, supra modice convexum, luteum, sub-nitidum, subtiliter, crebre punctulatum, albido-pubescentis, basi medio lateribusque sat late infuscatum. Hemelytra lutea, sub-nitida, subtiliter, crebre punctulata, dense albido-pubescentia, cuneo parum saturatiore; membrana fusca, pulchre iridescente. Corpus nigrum, sub-opacum, albido-sericeum, segmento ultimo abdominis nitido. Pedes lutei; tibiis parce, tenuiter spinulosi; tarsis apice infuscatis.

22. *Phytoconis Morio*: oblongo-ovatus (♂) vel ovatus (♀), niger, nitidus, sub-glaber; vertice linea transversa, fusco-ferruginea; antennis pilosis, articulo secundo apicem versus non incrassato; prothorace rude rugoso-punctato; scutello valde convexo, remote, hemelytrisque confertim, mediocriter punctatis, corio apice macula ferruginea, obsoleta; membrana fusca. ♂♀. Long. ♂ 8, lat. 3½, long. ♀ 7, lat. 3¼ millim.

In fruticibus Oelandiæ mense Julio individua duo legi.

Magnitudine et statura *Phytoe. tricoloris*, colore, antennarum articulo secundo apicem versus non incrassato scutelloque parcius punctato ab illo bene distinctus. Caput sub-triangulare, nigrum, nitidum, sub-læve, supra convexum, vertice postice linea transversa, tenui, fusco-ferruginea insignito; rostro inflexo, nigro-piceo; oculis ovatis, valde convexis, nigro-brunneis. Antennæ corpore breviores, sub-tenuis, nigrae, fusco-pilosae, articulo primo elongato, capite vix longiore, secundo longissimo, apicem versus haud incrassato, tertio et quarto tenuioribus, simul sumtis antecedente brevioribus. Prothorax latitudine postica multo brevior, apice truncatus, lateribus basin versus subito oblique ampliatis; postice leviter rotundato-emarginatus, extrorsum nonnihil obliquus, supra convexo-declivis, niger, nitidus, sub-glaber, crebre, sat rude punctatus, ruga antiq̄a parum elevata, sub-lævi. Scutellum magnum, triangulare, valde convexum, nigrum, nitidum, parce, parum profunde punctatum, pone basin transversim, profunde impressum. Hemelytra paullo convexa, nigra, nitida, sub-glabra, crebre punctata, corio apice medio macula ferruginea, obsoleta; membrana fusca, nervis obscurioribus. Corpus nigrum, nitidum, subtilissime sub-remote punctulatum, breviter fusco-pubescentis. Pedes toti nigri; femoribus subtus griseo-pilosis; tibiis parce spinulosi.

23. *Phytoconis pilosus*: ovatus, nigro-fuscus, sub-nitidus, dense cinereo-pilosus; capite brevi; antennis brevibus, fuscis; prothorace crebre,